

四明叢書

張宗祥

子張問十世章人稟五行之全氣而生故皆得其理之  
全所謂木神爲仁金神爲義火神爲禮水神爲智土神  
爲信以五行之形言之木時發生金剛斷制火有文采  
水善流動土重不遷俱各有意此是五常之原此五者  
亘宇宙窮古今不可變而又只是日用常行之理故曰  
常

以上爲政

泰山章當時四分魯國季氏取二孟叔如一魯君無民  
亦無賦雖欲祭不可得季氏既專魯則凡魯當行典禮  
皆自爲之旅泰山若代魯行事耳亦不知其僭冉有誠

不能救也欲正之則必使季氏復其大夫之舊魯之政  
一歸于公然後可此豈冉有之力所能故以實告之孔  
子亦不再責冉有而自歎也

告朔章朔之爲言蘇也謂月之魄也已滿明皆盡至晦  
日而死矣月之一日明乃復生是死而復蘇也

兩其字指告朔而言謂爾愛其告朔之羊以爲無實而  
妄費我則愛其告朔之禮恐因此名而後可復其實

管仲章三歸臺名三歸算法也言作臺度其基廣袤若  
千尺高若干尺而其頂廣袤若干尺取上下之數中折

之則其半廣袤若干尺以爲作臺之數

韶武章韶樂今不能知樂記言武樂有發揚蹈厲之容  
夾振駟伐之事是于樂中見用武戰鬪之意舜武皆聖  
人不是征伐便不及堯舜然揖讓氣象自是好征伐氣  
象自是不足故曰武未盡善

以上八俗

惟仁者能好惡章凡仁者必知非知不能行仁故纔說  
仁人便是有知者知人善惡者知也好惡之者仁也  
公治長章集注其必有以取之矣其字指長也取之猶  
言得之言長取之也謂聖人言其可妻是必長有德而

仁里

有以得聖人此言矣若云聖人有取乎長則不須用其字此章兩節要見不是一時說話其意便自分曉

孔文子章大凡天資敏銳必視學爲易而不能細索深求精思篤好至于恥下問節目尤多貴者恃位恥問賤富者恃財恥問貧年高者恥問幼能者恥問不能多恥問寡凡此皆是切中學者之急病如是則文子自是可師當自省而痛治之

三思章當用格物工夫在思之前理旣明則所思可善若未明理再思也未合理百思也未合理聖人只就文

子二斷其思之過而格物之道自然見于言外

以上公治長

雍也章集注中有主是說以敬存心自治嚴是說以敬  
治身

朱子謂自處以敬則中有主而自治嚴程子謂居敬則  
心中無物一言有一言無似相抵牾蓋有以理言無以  
欲言則二說正相發

賢哉回也章集注周子令程子尋孔顏樂處意猶在知  
上朱子則教人學顏子之學行之久而有得則我亦自  
有顏子之樂矣

博文約禮章約是收束向身意思集注約要也通釋曰  
博謂泛而取之以極其廣約謂反而束之以極其要此  
語精切 以上雍也

德之不修章講學是此章之要既學又須是法講論然  
後明義理皆是講學中來講既明了則知德之所以修  
義之所在而徙有不善者而改之若不先講學則三者  
皆不知當爲之則只作知行看徙義改不善是修德之  
目

富可求章如不可求一句上添一其字下添一何字則

語意自明

以上述而

三分有二章周都在雍州梁在雍正南豫居雍東南徐居豫東荆居豫南揚居徐南故六州皆歸周了紂都冀州充居冀東青居冀東南故三州尙屬紂此亦是大約如此

泰伯

在川上章如字非如似之如不是以川流比道是正言道之流行也如斯正指流而不息一道體就氣化流行處說是說所以生物者未說到物上二道體是就物上指形而上者而言三道體指物而言本注道體是道爲



物之體段程子道體是物爲道之體質

子罕

約園刊本

廐焚章雜記曰廐焚孔子拜鄉人爲火來者然則乃孔子之私廐故于退朝而後問

鄉黨

子曰師也過章集注以道以中庸爲至一句爲主方說得上面過不及意明不然則是子張之才德過子夏而子夏不及子張矣故過中失中歸于中屢提起中字說柴也愚章吳氏謂通下章爲一章然前四人以質言後二人以學言也庶乎對億中屢空對貨殖顏子惟庶乎所以樂天至于屢空而不顧子貢惟不受命故但能億

事而已

聞斯行諸章夫子非教冉有不必稟父母之命稟命自是常禮正恐冉有遇義當行者不能勇爲耳蓋行事須是有決斷志在必行然後稟命而卽行若見義前却自無主見不勇爲則非父兄使之也稟命之意卽在聞斯行諸之中

以上先進

顏淵問仁章克己復禮是分說四勿是合說此章全以禮字代仁字蓋仁以理言恐難捉摸體認故以天理節文之禮爲言仁卽天理之公禮卽天理之節文本非二

物也身之接于物者事事合乎節文而無一毫私僞卽是人欲淨盡天理流行卽爲全體之仁

仲弓問仁章上二句敬以持已中兩句恕以及物下兩句敬恕之效驗孟子謂強恕而行求仁莫近焉行恕熟卽仁行仁須自恕起

先事後得節粗鄙近利粗就忿忘身上言鄙就攻人惡言近利就得上說

樊遲問仁章虞廷聖之臣固多而獨言舉皋陶者蓋大禹終受帝禪此下惟皋之德最優舜命禹總師而禹之

所讓惟皋及帝贊之則曰臣庶罔或干予正民協于中  
時乃功又曰四方風動惟乃之休于此正見得不仁者  
遠意思 以上顏淵

修己以敬章修己以敬一句敬字重下修己兩句敬字  
亦在其中 憲問

人無遠慮以地言之人若無千里之思慮則憂在几案  
前以時言之人若無百年之思慮則憂卽在頃刻間  
衛靈公

逸民章六人之德伯夷叔齊爲最虞仲夷逸次之柳下

惠少連又次之前言七人後止六人不見言朱張者或是朱張之德無可稱或是失簡皆不可曉

太師摯章古者天子一日四飯魯用天子禮樂其君必一日亦四飯所謂亞三四飯乃于飯時主作樂侑食之官也不言初飯者或主初飯之官不他適也

以上微子

不知命章有天理之命有氣數之命天理之命人得之以爲性者也氣數之命人得之以爲生死壽夭貧富貴賤者也此章命字蓋兼二者而言知氣數之命則利不必趨害不必避知天理之命則利不可趨害不可避

堯曰

○以上  
論語

水神爲仁火神爲禮金神爲義水神爲智土神爲信凡  
言往來開闢只是說氣然必有理爲之主氣譬如舟所  
以乘載理譬如柁所以運舟者也此所謂神卽理之妙  
者也大抵說陰陽五行只是說氣而理自然在其中

大學

章句  
序

在明明德句凡言德有二意得天理而存于心者德也  
行道有得于心亦德也此明明德字就得處言則是上  
一意及加明之功而有得于己然後有下一意

賢親樂利節金先生曰賢其賢者高山仰止景行行止  
崇其德也親其親者敬其所尊愛其所親象其賢也樂  
其樂者風清俗美上安下順樂其遺化也利其利者分  
井受廩安居樂業沐其餘澤也

如惡惡臭二句惡惡臭好好色人人皆實有此心非偽  
也二如字曉學者當實爲善去惡若惡惡臭好好色之  
爲也此二句作兩層看

康誥曰如保赤子一節保赤子是父母愛子之心如保  
者是言君養民亦當如父母之保赤子赤子不能言父

母保之雖不中不遠況民之能言而意易曉者所欲與之聚所惡勿施雖不中民之心亦不遠矣前言孝弟慈而此獨就慈上言者蓋治國是上之撫下故事就愛民處言

絜矩章矩以器言卽木匠之曲尺也以義言則方也總言則用曲尺以度方絜矩卽是度義兩字此章大意治天下在乎絜矩而絜矩于用人取財處爲要然得失之幾全在忠信驕泰上發于心者忠接于物者信則事皆務實好善惡惡皆得其正而能盡絜矩之道存于心者



矜驕行之以侈肆必不能絜矩則遠正人而讒諂聚斂  
之人進矣

以上大學

中庸專言道故起首便言道學道統道學主于學兼上  
下言之道統主于行獨以有位者言之至孔子之生他  
無聖人在位則道統自在孔子凡言統者學亦在其中  
學字固可包統字

理與氣合而生人心爲一身之主宰又理氣之會而能  
知覺者也人心發于氣如耳目口鼻四肢之欲是也然  
此亦是人身之所必有但有發之正不正爾故但云危